

Kerajaan pertimbang RCI

JAKIM akan keluar senarai syarikat diberi lesen bawa masuk produk

Oleh Suzalina Halid
suzalina@bh.com.my

Kuala Lumpur: Kerajaan berse- dia mempertimbangkan penubuhan Suruhanjaya Siasatan Diraja (RCI) bagi menyiasat kualiti dan status halal daging sejuk beku import, kata Menteri di Jabatan Perdana Menteri (Hal Ehwal Agama), Datuk Seri Dr Zulkifli Mohamad Al Bakri.

Pada masa sama, katanya, Jabatan Kemajuan Islam Malaysia (JAKIM) akan mengeluarkan senarai syarikat pengimport yang diberikan lesen untuk memasarkan produk berkenaan di negara ini bagi mengurangkan kebimbangan orang ramai, terutama umat Islam berhubung isu halal.

Zulkifli berkata, pihaknya komited dan prihatin untuk menangani segera keraguan status halal daging import, sekali gus memastikan tiada lagi syak wasangka dalam kalangan pengguna, khususnya umat Islam di negara ini.

Sehubungan itu, katanya, satu pertemuan akan diadakan minggu ini yang membabitkan kementerian berkaitan bagi membincangkan isu berkenaan.

“Melalui pertemuan itu kelak, semua pihak akan duduk semeja melihat mana-mana kelemahan yang ada untuk diperbaiki dalam aspek status halal bekalan daging import di negara ini,” katanya kepada media ketika melawat dua kilang pengimport daging sejuk beku dekat sini, semalam.

Kelmarin, pelbagai pihak, termasuk pemimpin politik, dewan perniagaan dan persatuan pengguna mahu kerajaan bertindak segera menangani isu kartel daging import seludup serta status halalnya yang mencetuskan kebimbangan umat Islam di negara ini.

Tindakan dicadangkan termasuk mewujudkan pasukan siasatan khas, malah ada menyarankan penubuhan RCI bagi menyiasat kegiatan itu dan mendedahkan semua pihak yang terbabit. Ada juga meminta didedahkan jenama menggunakan label halal diragui supaya pengguna, terutama umat Islam boleh berhenti membeli produk terbabit.


Zulkifli yang turut mengulas isu sama ketika ditemui media di Dewan Negara semalam, berkata beliau difahamkan, lesen kebenaran menjual daging sejuk beku di Malaysia, turut membabitkan kementerian lain.

“Justeru, kami akan adakan



Zulkifli membuat lawatan ke kilang menyimpan daging beku di Segambut, semalam.

(Foto Fathil Asri/BH)



kerjasama lebih erat dengan kementerian yang terbabit. Saya akan cakna isu ini dan meninjau sebarang masalah yang ada kaitan dengan logo halal JAKIM. Sekiranya ada kelemahan, kita akan kemas kini bagi memastikan masyarakat mendapat daging import 100 peratus halal,” katanya.

Mengulas lanjut syor penubuhan RCI, beliau berkata, cadangan itu akan diteliti dan keputusan mengenainya dijangka diperoleh

dalam tempoh terdekat.

“Saya tidak kata perlu atau tidak (RCI) kerana perkara ini perlu didalami terlebih dahulu dan saya tidak akan ambil masa lama, dalam tempoh dua atau tiga hari ini untuk mendapatkan maklumat dan sebarang perkara yang boleh ditangani segera.

“Saya sudah duduk semeja dengan JAKIM dan akan melakukan perkara sama dengan beberapa kementerian bagi melihat mana-mana kelemahan yang per-

lu diperbaiki serta mengambil tindakan segera dalam bidang kuasa JAKIM dan kementerian lain secara bersepadu,” katanya.

Mengenai dua kilang dilawatnya semalam, Zulkifli berkata, beliau berpuas hati dengan operasi kedua-duanya dalam aspek pengendalian daging import sejuk beku termasuk tiada pembabit orang tengah dalam urusan membawa masuk produk terbabit serta bahan mentah yang diperlu-